

萬有文庫

第一集一千種

王雲五主編

通志略

(九)

鄭樵著

商務印書館發行

圖書集成

醫部全錄

醫部全錄

醫部全錄

卷之

卷之

醫部全錄

通 志 略

(九)

鄭 樵 著

禮略第三

嘉禮

天子加元服

周制文王年十二而冠

文王十三生伯邑考左傳曰冠而生子禮也

成王

十五而冠

王年十三推武王庚辰歲崩周公以壬午

歲出居東祭未歲反禮公冠記周公冠成王命史作祝辭告是除喪冠也周公未友成王冠并開金滕之

書時十六矣是成王十五周公冠之而後出也將冠

按禮傳天子之年近則十五遠則十五必冠矣將冠

筮日筮賓行之於廟冠委貌於祚三加彌尊

以著代也或曰三加彌尊士禮也大戴禮公冠篇裸曰公冠四加後加玄冕天子亦有四加後加衮冕裸

享樂于廟

左傳曰晉侯問魯大夫季武子襄公年曰君可冠矣武子對曰君冠必以裸享之禮

行之。以金石之樂節之。以先君之桃處之。周公冠。成王命史雍頌曰。近於民。遠於耳。遠於佞。近於義。嗇於時。惠於財。祿賢使能。漢改皇帝冠爲加元服。惠帝加元服用正月甲子。若丙子爲吉。後漢遵前制。皆以正月甲子。若丙子爲吉日。可加元服。儀從冠禮。乘輿初加緇布。進賢。次爵弁。次武弁。次通天冠。冠訖。皆於高祖廟。如禮謁見。和帝冠以正月甲子。乘金根車。駕六玄蚪。至廟成禮。乃廻軫反宮。朝服以饗宴。撞太簇之鐘。咸獻壽焉。順帝以初月丙子加元服於高廟。獻帝與平元年正月甲子加元服。司徒淳于嘉爲賓。加賜玄纁駟馬。司隸校尉

城門五校及侍中尚書給事黃門侍郎各一人爲太

子舍人魏氏天子冠一加其說曰古之士禮服必三

天子諸侯無加數之文者將以賤詐臨人尊極德成

不復與士以加喻勉爲義禮冠於廟自魏不復在廟

東晉諸帝冠儀一加幘冕將冠金石宿設百僚陪

位又先於殿上鋪大牀御府令奉冕幘簪導袞服以

授侍中常侍太尉加幘太保加冕太尉讀祝文曰令

月吉日始加元服皇帝穆穆思弘袞職欽若昊天六

合是式率遵祖考永永無極眉壽惟祺介茲景服加

冕訖侍中繫玄紱脫帝絳紗服加袞服冠事畢太祝

率群臣奉觴上壽王公以下三稱萬歲乃退成帝用

三元吉日。既加玄服，拜于太廟。穆帝孝武將冠，皆先以幣告廟。訖事，又廟見臺符，問修服未畢，吉凶不相干，爲可加元服與不。太常王彪之議：禮雖有喪冠，當是應冠之年，服制未終，若須服終，便失應冠之年，故也。今便准喪冠闕饗樂而行事，不須修服畢。按晉故事及兩漢，亦不必三元。當任時事之宜耳。後魏正光元年秋，孝明帝年十一，加元服，訖拜太廟。大赦改元。北齊制，皇帝加元服，以玉帛告圓立方澤，以幣告廟。擇日臨軒，皇帝著空頂介幘以出。太尉盥訖，升脫空頂幘，以黑介幘奉加訖。太尉進太保之右，北面讀祝。

訖太保加冕侍中繫玄統脫絳紗袍加袞服事畢太
保上壽群官三稱萬歲皇帝入溫室移御座而不上
壽後日文武群官朝服上禮酒十二鐘米十二囊牛
十二頭又擇日親拜圓丘方澤謁廟唐制具開元儀
皇太子冠 皇子皇孫附

周制天子元子猶士也天下無生而貴者也 家語冠

子之元子之冠擬諸侯之冠四加漢宣帝冠太子以正月冠諸王遣

使行事魏氏冠太子再加皇子王公嗣子乃三 孫毓

一加再加皆非禮也冠諸王因漢遣使行事晉惠帝之爲太子

將冠武帝臨軒使兼司徒高陽王珪加冠兼光祿大

夫屯騎校尉華廩贊冠。泰始六年。南宮王承年十五。依舊應冠。有司奏議禮。十五成童。國君十五而生子。以明可冠之儀。又漢魏遣使冠諸王。非古典。於是制儀王十五而冠。遂革使命。咸寧二年。閏九月。遣使冠汝南王柬。惠帝以正月丙午冠太子訖。乃廟見。懷帝亦以正月冠皇太子。宋冠皇太子及蕃王。以一加。齊武帝孫南郡王昭業冠。從尚書令王儉議。使太常持節。一加冠。大鴻臚爲贊。醮酒之儀。國官陪位拜賀。如常。其日。內外二品清官以上。詣公車門集賀。并詣東宮南門通牋。別日上禮。官臣亦詣門稱慶。如上臺之

儀既冠之後。尅目謁廟。祝辭曰。皇帝使給事中大常
武安侯蕭惠本加南郡王冠。筮日戒賓。肇加玄服。棄
爾幼志。從厥成德。親賢使能。克崇景福。醮酒辭曰。旨
酒既清。嘉薦既盈。兄弟具在。淑慎儀刑。永永眉壽。於
穆斯寧。明帝冠太子用正月。梁武帝天監十三年正
月。冠太子於太極殿。修前代之儀。後魏孝文帝冠皇
太子。恂於廟。詔曰。司馬彪漢志。漢帝有四加冠。一緇
布。二進賢。三武弁。四通天。朕見家語冠頌篇。四加冠。
公也。家語夫子之言。與正經何異。諸儒忽司馬彪志。
致使天子之子而行士冠。朕以爲有賓。諸儒皆以爲

無賓孔氏所云斐然成章其斯之謂矣北齊制皇太子冠則太尉以制幣告七廟擇日臨軒有司供帳於崇正殿中嚴皇太子空頂幘公服出立東階之南西面使者入立西階之南東面太子受詔訖入室盥櫛出南面使者進揖詣冠席西面坐光祿卿盥訖詣太子前跪櫛使者又盥奉進賢三梁冠至太子前東面祝脫空頂幘加冠太子興入室更衣出又南就冠席光祿卿盥櫛使者又盥祝脫三梁冠再加遠遊冠太子入室更衣設席中楹之西使者揖就席南面光祿卿洗爵酌醴使者詣席前北面祝太子拜受醴即席

坐祭之啐之奠爵降階復位西面三師三少及在位
群官拜事訖又擇日會宮臣又擇日謁廟隋制皇太
子將冠前一日帝齋於大興殿太子與賓贊及預從
官齋於正寢其日質明有司告廟各設筵於阼帝袞
冕即御座賓揖太子進升筵西向坐贊冠者坐櫛設
纁賓盥訖初加緇布冠贊進設頰丘癸切纓賓揖太子
適東序衣玄衣及素裳以出贊者又坐櫛賓進加遠
遊冠改服訖賓又授冕太子適東序改服以出賓揖
太子南面立賓受醴進筵前北面立祝之又太子拜
受觶賓復位東面答拜贊者奉饌於筵前太子祭奠

禮畢降筵。進當御。東面拜。納言承詔詣太子戒訖。太子拜。贊者引太子降自西階。賓少進字之。贊者引太子。進立於庭東面。諸親拜訖。贊者拜。太子皆答拜。與賓贊俱復位。納言承詔降命。令有司致禮。賓贊又拜。帝復降阼階下拜。太子以下皆拜。帝出更衣。還宮。太子從至闕。因入見皇后而還。唐貞觀五年正月。有司上言。皇太子將冠禮。宜用二月爲吉。請追兵以備儀。注。太宗曰。今東作方興。恐妨農事。令改用十月。太子少保蕭瑀奏稱。準陰陽家用二月爲勝。上曰。陰陽拘忌。朕所不行。若動靜必依陰陽。不顧禮義。欲求福祐。

其可得乎。若所行皆遵正道。自然當與吉會。且吉凶在人。豈假陰陽拘忌。農時甚要。不可斲失。開元六年。侍中朱璟上表曰。臣伏以太常狀准東宮典記。有上禮之儀。謹按上禮非古。從南齊後。魏方始有此事。而垂拱神龍。更扇其道。群臣斂錢獻食。君上厚賜答之。姑息施恩。方便求利。皇太子冠。乃盛禮。自然合有賜賚。上臺東宮兩處宴會。非不優厚。其上禮宜停。其儀具開元禮。

諸侯大夫士冠

夏小正記。二月冠子之時也。周制繼世以立諸侯。象

賢也冠禮筮日筮賓冠於阼醮於客位三加彌尊已冠而字之見於母母拜之見於兄弟兄弟拜之成人而與爲禮晉王堪冠禮儀云永平元年惠帝時正月戊子冠中外四孫立于步廣里舍之阼階設一席于東廂引冠者以長幼次于席南東上賓宗人立于西廂東面南上堪立于東軒西南面西上陳元服于席上宗人執儀以次呼冠者各應曰諾宗人申誠之曰以歲之正以月之令兄弟具來咸加爾服棄爾幼志順爾成德克慎威儀惟民之則壽考惟祺永受景福冠者高跪而冠各自著布興再拜從立于賓南上酌四杯酒各

拜醮而飲事訖上堂向御史府君再拜訖冠者皆東
面坐如常燕禮時賓宗人東平王隆叔柝王循道安
王業建始此皆古禮也但以意斟酌從其簡者耳唐
制具開元禮

天子納妃后

册后附

伏羲氏制嫁娶以儷皮爲禮夏氏親迎於庭殷迎於

堂周制限男女之歲定婚姻之時

媒氏云令男三十而娶女二十而嫁

婚姻之時即仲春之月親迎於戶六禮之儀始備

一曰納采二曰納吉三曰納徵四曰請期六曰親迎惟納徵用束帛他皆用鴈

天子聘女納徵加穀

曰問名三曰

璫漢惠帝納后納采鴈璧乘馬束帛聘黃金二百斤

馬十二匹

呂氏爲惠帝妻魯元公主女故特優其禮

平帝立王莽納女爲

后以固權及莽所聘杜陵氏女皆侈大其事不足爲法後漢桓帝立明年有司奏太后曰春秋迎皇后于紀在塗則稱后今大將軍冀女弟應紹聖善結婚之際有命旣集宜備禮幣於是悉依孝惠皇帝納后故事聘黃金二百斤納采鴈璧乘馬束帛一如舊典靈帝冊末貴人爲皇后天子御章德殿軒百官陪位太尉襲使持節奉璽紱皇后北面帝南面太尉立階下東向宗正大長秋西向宗正讀冊畢皇后拜稱臣妾就位太尉授璽紱中常侍長樂太僕高鄉侯覽長跪